



Broj: 01-OPK- 8467 /24

Breza, 28 -08- ~~2024~~ 24. godine

Na osnovu člana 69 stav (3) i 70. Zakona o javnim nabavkama BiH ("Službeni glasnik BiH", broj: 39/14, 59/22 i 50/24), člana 3. Odluke o davanju prokure broj 01-SD-13/21, te člana 48. Statuta RMU "Breza" d.o.o. – Breza, Prokurista i Direktor RMU "Breza" d.o.o. – Breza donose:

ODLUKU

o otkazivanju postupka javne nabavke

Član 1.

Otkazuje se Konkurentski zahtjev za dostavu ponuda "**Usluga održavanja novog informacionog sistema**" broj 01-OPK-7668/24 od 02.08.2024. godine zbog dokazivih razloga koji su izvan kontrole Ugovornog organa, a koji se nisu mogli predvidjeti u vrijeme pokretanja postupka javne nabavke.

Član 2.

Ova Odluka će se objaviti na internet stranici RMU „Breza“ d.o.o. Breza u skladu sa članom 70. stav (6) Zakona o javnim nabavkama BiH.

Član 3.

Za realizaciju ove Odluke zadužuje se Služba za javne nabavke RMU "Breza" d.o.o. Breza.

Član 4.

Ova Odluka stupa na snagu danom donošenja.

Obrazloženje

Ugovorni organ RMU „Breza“ d.o.o. Breza pokrenuo je Konkurentski zahtjev za dostavu ponuda broj 01-OPK-7668/24 za koji je objavljeno Obavještenje o nabavci broj 165-7-1-143-3-95/24. Komisija za nabavku imenovana rješenjem direktora broj 01-OPK-7667/24 je shodno Zapisniku o pregledu i ocjeni ponuda konstatovala da je postupak javne nabavke neophodno otkazati iz sljedećih razloga:

Prilikom razmatranja i evaluacije ponuda, komisija za javne nabavke je uočila previd u vezi sa tehničkom specifikacijom, koji se odnosi na autorska prava na softver. U trenutnoj tehničkoj specifikaciji nije adekvatno uzeta u obzir odredba iz važećeg ugovora između Ugovornog organa i firme LANACO d.o.o. Banja Luka, koja je izvršila implementaciju informacionog sistema, koja garantuje da je predmet ugovora originalno autorsko djelo i da su sva autorska prava za softver pripadajuća proizvođaču softvera prema Zakonu o autorskim i srodnim pravima BiH (Sl. Glasnik BiH 63/2010). Član 9. važećeg ugovora glasi:

„Izvršilac garantuje da je predmet ovog ugovora originalno autorsko djelo.

Sva autorska prava za softver pripadaju proizvođaču softvera prema Zakonu o autorskim i srodnim pravima BiH (Sl. Glasnik BiH 63/2010), a također i za sve izmjene softvera koje će se desiti u budućnosti.

Naručilac se obavezuje da neće autorizovati, zatražiti ili dopustiti podršku, prepravke ili izmjene softvera, te pristup bazi podataka osim po tačkama osnovnog ugovora. Izvršilac neće snositi odgovornost za sve eventualne probleme nastale zbog neautorizovane podrške, prepravke ili izmjene softvera, odnosno neautorizovanog pristupa bazi podataka. Svaka intervencija na sistemu od strane Naručioca usluga ili nekog trećeg lica tretiraće se kao kršenje autorskih prava.

Podaci u bazi podataka formirani na osnovu novokreiranih podataka ostaju u trajnom vlasništvu Naručioca.“

Ove odredbe su u suprotnosti sa članom 6. iz nacрта ugovora predmetne nabavke „da je izvršilac usluge obavezan da usluge izvrši stručno, pravilno i kvalitetno u skladu sa važećim propisima, standardima i zakonima u ugovorenom roku, da odgovara za uredno izvršenje ugovora, štiti prava i interese Naručioca usluga u skladu sa važećim standardima za ovu vrstu poslu“, koji može dovesti do problema sa zaštitom autorskih prava i neispunjavanja obaveza. S obzirom na potencijalne

probleme sa pravima i pristupom, kao i mogućnost materijalne štete zbog neusklađenosti sa ugovornim obavezama i autorskim pravima, potrebno je da se revidira tehnička specifikacija kako bi se uskladila sa postojećim pravnim okvirima i ugovornim obavezama.

Kako bi se izbegle moguće pravne komplikacije i materijalna šteta za Ugovorni organ, predmetni postupak je potrebno otkazati. Ovo će omogućiti da se tehnička specifikacija pravilno definiše i uskladi sa zakonodavstvom i ugovornim obavezama, čime će se osigurati pravna zaštita i pravilan okvir za buduću saradnju. Nakon otkazivanja predmetnog postupka i izmjene tehničke specifikacije isti će ponovo biti pokrenut.

Iz naprijed navedenih razloga, a u skladu sa članom 69. stav (3) Zakona o javnim nabavkama, donesena je Odluka kao u dispozitivu.

Pravna pouka:

Protiv ove Odluke može se izjaviti žalba RMU "Breza" d.o.o. Breza, u roku od 5 (pet) dana od dana prijema ove Odluke. Žalba se podnosi pismeno u najmanje 3 (tri) primjerka.

Dostaviti:

- Služba za javne nabavke
- Svim ponuđačima
- a/a

Prokurista

Nihad Kadić dipl.ing.maš

Direktor

Muamer Omerhodžić dipl.ing.rud